

淨明忠孝全書卷之一

淨明傳教法師黃元吉編纂

嗣法弟子 徐慈杖王

淨明道師旌陽許真君傳

真君姓許氏名遜字敬之曾祖瑛祖玉父肅世為許昌人高節不仕潁陽由之後也父漢末避地於豫章之南昌因家焉吳赤烏二年己未母夫人夢金鳳銜珠墜於掌中因是有娠而生真君焉生而穎悟姿容秀偉少小通疎與物無忤嘗從獵射一麀鹿中之于隨鹿母猶顧紙之未竟而覺因感悟即折棄弓矢。剋意為學博通經史明天文地理律曆五行讖緯之書尤嗜神仙修鍊之術頗臻其妙聞西安兵猛得至人丁義神方乃往師之悉傳其秘遂與郭璞訪名山求善地為栖真之所得道遙山金氏宅遂徙居之日以修鍊為事不求聞達鄉黨化其孝友交游服其德義嘗有售鐵燈檠者因見漆剝起視之金也翌日訪其主還之朝廷屢加禮命不得已乃於太康元年起為蜀旌陽縣令時年四十二視事

之初誠吏胥去貪鄙除煩細脫因繫悉開論以道教以忠孝慈仁忍慎勤儉吏民悅服咸願自新先是歲飢民無以輸租郡邑繩以法率多流移真君乃以神丹點瓦礫為金令人潛瘞于縣國籍民之未輸者使服役于國民鏹地獲金得以輸納屬歲大疫死者十七八真君以所授神方拯治之符呪所及登時而愈至於沈痾無不痊者他郡病而至者日以千計於是標竹於郭外十里之江置符水於其中俾就竹下飲之其不能自至者汲歸飲之亦安蜀民為之謠曰人無竊盜吏無奸欺我君活人病無能為真君知晉室將亂乃棄官東歸民感惠歲糧而送者蔽野有至千里始還者有隨至其家願服役不返者乃於宅東之隙地結茅以居狀如營壘多改氏族以從真君之姓故號許家營焉真君嘗至新吳憇于柏樹林有女童五人各持寶劍來獻真君識其劍仙也異而受之故獲神劍之用乃於丹陽縣黃堂靖問道於譙母毋以所受孝道明王之法併蘭公所付孝悌玉銅符鐵券

金丹寶經授之且謂吳君曰君昔以神方為許君之師今孝道明王之道獨許君得傳君當返師之二君辭謝方心期每歲必來謁姆姆覺之曰子勿來吾即還帝鄉矣因取香茅一根南望擲之曰子歸認茅落處立吾祠歲秋一至足矣二君還於所居之南尋訪其茅已叢生矣遂建祠亦以黃堂名之厥後復遇日月二帝君授以淨明靈寶忠孝之道真君嘗過黃堂見鄉民烹宰祀神且相詫曰祭不腆則神怒降禍矣真君曰怪祟敢爾耶夜宿逆旅召風雷伐之又見民有遠汲者滿道乃以杖刺社前澗澤出泉以濟之雖旱不竭因渡江抵朱氏之肆主人雖貧迎接甚敬真君戲畫一松于其壁而去其家即日利市加倍嘗鍊神丹于艾城之黃龍山有蛟魅輒作洪水欲漂丹室真君遣神兵擒之釘于石壁丹成祭于暮阜葛仙石室然後服之至修川愛其湍急味堅遂磨神劍於澗傍之石過西安縣分寧社伯出謁真君詰其地分有妖物害民者其神匿之過一小廟廟神迎告曰此有

蛟孽害民知仙君來故往鄂渚後將復還真君躡跡追至橋側勅吏兵驅出誅之怒西安社伯之不職銅其祠門止其祭祀今分寧城開有今祀小廟今封協真君聞新具有蛟為孽因往捕之蛟懼入溪穴乃以巨石書符以禁之時海昏之上遼有巨蛇據山為穴吐氣成雲亘四十里人觸在其氣中者即被吸吞江湖舟船亦遭覆溺大為民害真君乃集弟子將往誅之初入其界遠近居民競來告懇真君曰世運周流當斯厄會吾之此來當為汝曹除之誓不與此蛇俱生也於是卓劍于地默禱于天良久飛泉湧出有赤鳥飛過遂前至蛇所蛇懼入穴乃飛符召海昏社伯驅之不能出復召南昌社公助之蛇出舉頭高十餘丈目若火炬吐毒衝天乃齋命風雷指呼兵吏以攝伏之吳君乃飛步踏其首以劍劈其額施君甘君引劍裂其腹有小蛇自腹中出長數丈奔行六七里聞鼓譟聲猶返顧母弟子請追戮之真君曰彼木為害不可妄誅五百年後若為民害吾當復出誅之以吾

增前松栢為驗其枝拂地乃其時也又預識云吾仙去後一千二百四十年間五陵之內當出弟子八百人其師出於豫章大揚吾教郡江心忽生淵掩過沙井口者是其時也若此時小蛇為害彼八百人自當誅之苟無害於物亦不可誅也蛇子遂入江今新建縣吳大蛇既死其骨成洲真君於經行之處立七靖以鎮之時晉懷帝永嘉六年壬申歲也真君道術高妙求為弟子者數百人却之不可乃化炭為美婦人以試之其不為所染汚者唯十人耳凡周游江湖無不從焉真君歸郡周覽城邑有一少年美風度衣冠甚偉通謁自稱姓慎禮貌甚恭應對敏給遼告去真君謂弟子曰適者非人老蛟之精來見試也吾故愚之庶盡得其醜類耳迹其所也乃化為黃牛卧于砂磧之上真君乃剪紙化黑牛往闖之今施岑持劍俟其闖即揮之中其股牛奔入城南井中真君遣符吏尋其蹤乃知直至長沙於賈誼井中化為人即入賈玉史君之家先是蛟精慕玉之女美化

為一少年謂之玉愛其才以女妻之居數歲生二子常以春夏之交孑然而出至秋則重載寶貨而歸蓋覆舟所獲也是秋陸還詣玉云為盜所劫且傷左股真君乃為醫士謁玉至其堂叱曰江湖蛟精害物非一吾尋蹤至此豈容逃遁速出速出蛟精計窮乃見本形為吏兵所誅二子亦皆為小蛟併誅之賈女亦幾變形真君給以符故得不變真君謂玉曰蛟精所居其下即水可速徙居玉從之其地果陷為潭深不可測真君復還豫章蛟之餘黨心不自安乃化為人訪真君弟子曰聞賢師有神劍願聞其功弟子曰吾師神劍指天裂指地地折指星辰則失度指江湖則逆流萬邪其敢當神聖之寶也曰亦有不能傷者乎弟子戲之曰惟不能傷冬瓜葫蘆耳蛟以為誠然盡化其屬為冬瓜葫蘆浮泛滿江妖氣甚盛乃使施岑履水斬之真君曰此地蛟螭所居不有鎮之後且為患乃役鬼神於城南井鑄鐵為柱下施八索鉤鎖地脉祝之曰鐵柱若亞其妖再興吾當復出由是水

妖屏斥城邑無虞。峯山頂有蛟湖三所。其孔穴透大江通饒信。真君誅其蛟。立玉陽靖以鎮之。又鑄鐵符鎮鄱陽湖。口杜絕蛟魅。出入之路。鑄鐵蓋覆廬陵元潭。制其淵。數仍以鐵符鎮之。留一劍在焉。明年復遊長沙。郴衡諸郡所至為民除害。凡立靖七十餘所。明帝太寧二年。將軍王敦舉兵。內向次于湖真君。與吳君往謁。冀說止之時。郭璞先在幕府。乃因璞見之。處仲延飲。而問曰。子夢以一木破天君等以為如何。吳君曰。木上破天。乃未字也。公其未可妄動。處仲已變。今璞筮之。璞曰。無成。仲曰。子壽幾何。璞曰。公若舉事。禍將不久。仲怒曰。君壽幾何。璞曰。壽盡在今日。日中仲大怒。令武士擒璞。斬之。真君舉杯擲起。化為白鶴。飛繞梁間。仲一舉目。已失二君。處仲竟敗。二君還至金陵。召龍挾舟。從廬山紫霄峯。金闕洞還。至天寶洞。遂歸舊隱。日與弟子講究真詮。數十年間。不復以時事關意。平時出處不異常人。但所居鳴鶴飛翔。景雲旋繞而已。至孝武帝寧康二年甲戌八月朔旦。有

雲仗自天而下。二仙降庭。宣玉皇詔曰。上詔學仙童子許遜。卿在多劫之前。積修至道。勤苦備悉。經緯逾深。萬法千門。罔不斯歷。救災拔難。除害蕩妖。功濟生民。名高玉曆。衆真推仰。宜有甄昇。可授九州都仙。太史兼高明大。使賜紫綵羽袍。瓊旌寶節。玉膏金丹。各一合。詔至。奉行真君再拜。登階受詔。一仙曰。余乃玉真上公。崔子丈一仙曰。余乃元真上卿。瑕丘仲告真君以冲舉之期。遂去。真君乃召門弟子。與鄉曲耆老。論以行期。設飲宴。以叙別。又與十一弟子。各為五言一韻勸誡詩十首。是月望日。大營齋會。少長畢。至日中。遙聞音樂之聲。祥雲四布。羽蓋龍車。從官兵衛。仙童錄女。前後導從。二詔使。又至。復宣詔曰。上詔學仙童子許遜。脫于前世。貪殺。不祀先祖之罪。錄子今生。行符咒水。治病罰惡。穢毒之功。已仰。潛山司命官。傳金丹於下界。閉債封形。廸子身。及家口。厨宅。百好。歸三天子。急淨穢。背土。凌空。左大力。天丁。與流金火鈴。照辟中黃。無或散漫。仍封遠祖。由玉虛僕射曾祖

璞太微兵衛大夫先祖。玉太極把業錄籍典者。父蕭中徽。仙官。賜所居宅曰仙曹。左府玉真上公曰。卿門弟子。雖衆。惟六人合從。行餘各自有超舉之日。乃揖真君。昇龍駕。命陳黝時。荷持丹前導。周廣曾。掌御。黃仁覽。與其父族侍從。野烈。與其母部。從仙眷四十二口。同時昇舉。雞犬亦隨。逐飛騰。留下修行鐘并一石函。曰。世變時遷。即為陳迹。卿以為記。有僕許大者。與其妻市米於西嶺。聞真君飛昇。即奔馳而歸。車覆遺米於地。米皆復生。比至哀泣。求從行真君。乃授以地仙之術。夫婦皆隱于山中。仙仗既舉。有頃。墜下藥臼。車轂各一。又墜一雞籠。并鼠數枚。墜地。雖拖腸而不死。意其嘗竊食丹藥也。後人見之。必為瑞應焉。初真君回自桂陽。奉蜀錦於謔姆。製以為殿帷。至是忽飛來。旋繞於故宅之上。復入雲霄。真君生於吳大帝赤烏二年己未正月二十八日。住世一百三十六年。凡奉學淨明弟子皆尊之曰道師。若真君既飛昇之後。里人與其族孫簡。就其地立祠。以所遺詩一百二

十首寫之竹簡今人採取以卜吉凶名曰聖籤其鐘車函曰並藏于祠隋煬帝時焚脩中輟唐永淳中天師胡惠超重興建立明皇尤加寅奉宋朝太宗真宗仁宗皆賜御書改賜額曰玉隆乃禁名山樵采蠲租賦政和二年徽宗降玉冊上尊號曰神功妙濟真君政和六年改觀為宮仍加萬壽二字五月一日旨付禮部云朕因看書于崇政殿恍然似夢見東華門北一道士戴九華冠披絳章服左右童子持劍縛皆衣青後有二使者綠衣道裝捧印杖前至丹墀起簡揖朕攀左龍尾上殿朕疑非人間道士因問卿何人不詔而至對曰吾為許旌陽權掌九天司職上帝詔往接察西瞿耶國經由故國觀見妖氣故來相訪朕請坐而問曰此患為何答曰湖南湖北三十六萬緡網入水此實小龍為害蓋先朝不合封此子為王當永嘉之戮自拆母腹而奔走未及害人因而赦之今乃輒為國家之患俟吾還當有處分不令住於江淮間矣朕夢中謝之復問曰朕患安息瘡諸藥不能愈真

本五
十五

君有藥否即取小瓢傾藥一粒如菽豆大呵呪抹於瘡上覺如流酥灌體入骨清涼遂揖而去行數步復回顧曰吾弊舍久矣家落願聖皇舉目一看為幸朕豁然而覺不數日有司奏到果然緡網被風濤覆沒即取圖經考之見分寧縣梅山有許氏磨劍池詔畫像如夢中所見者賜上清儲祥宮以係省官錢新換數月後復夢真君如初謝上曰分寧乃昔經行之處重勞建造吾卜地西山遺跡俱存但屋宇隘陋不足副四方瞻視幸陛下一修整之耳上寤即詔洪州改修玉隆萬壽宮建炎中金人寇江左欲火宮庭俄而水自楹抽間出火不蔓虜酋大驚乃書壁云金國龍虎上將軍來獻忠被授元帥府上畔都統大軍毀茲過觀聖像裝嚴華麗不敢焚燬時天

令發掘俄迅雷烈風江波泛溢城郭震動謨懼叩頭悔謝久而後止又強取修行鐘置之僧寺擊之聲如土木乃遂還官車轂州牧徐登令取至府猶未及觀即夕飛還石函雖有窳縫而不可開唐張善安竊據洪州強鑿開之甚蓋內丹書云五百年狂賊張善安開之善安懼磨洗其字終不能滅遂藏其蓋凡真君遺迹有異處如龍沙側之磨劍池其沙壁立畧不涇塞新建縣之嘆早湖水煙至多以藥投之永絕松湖市之旅邸至今無蚊蚋豐城縣抄針洞蛟入其中以杉木楔之至今不打奉新縣之藏溪蛟藏其中以劍劈裂溪傍巨石書符鎮之如此等類莫可殫舉元成宗皇帝加封號曰至道玄應神功妙濟真君

淨明經師洪崖先生傳

經師姓張名氲號洪崖又名蘊字藏真世代皆莫詳與赤松子俱為神農師真語云洪崖先生今為青城仙伯是也隋時復出現於晉陽之姑射山又現於豫章之西山讀書釣魚於城西河岸之石磯今釣魚臺是也開皇九

年改豫章為洪州以先生故也先生身長七尺五寸眉目疎秀語音如鐘善琴書喜長嘯嘗過日月二君授以淨明靈寶忠孝之道時戴烏帽或時備巾或櫛棒巾被鹿裘或衣紅絛葛衫烏犀帶短靴靴每行則乘一白騾曰雪精從五童子名狀並怪曰橘粟木葛柚負六角扇垂雲笠又曰白藤笠方木鐙二玄書木如意策竹杖長生瓢魏壺不柱杓又曰長盈壺長滿杯自然流酌出入城郭朝來暮去人莫測其蹤唐武后聖曆中召不赴玄宗開元中復召見於港露殿上從容問曰聞先生善長嘯可得聞乎於是應聲而發音韻清絕上曰朕何如堯舜先生何似許由先生對曰陛下道超堯舜臣德謝許由昔堯召許由而不至今陛下召臣而臣來上嘉之拜太常卿累至司徒皆不受一日奏曰陛下何惜一山一水不令臣追蹤果由乃詔還山遂絕粒服氣時時出沒往來於西山姑射二山多遊終南太華青城王屋山中與東籬二大師為侶每述金丹華池之事易形鍊化之術人莫

究其微妙焉又每旦乘白騾領僕從由西山渡章江入洪城人未有見其返者一日章江舟人心切疑之遂戒其子躡踪觀其所以乃賣藥周遊市中卒之晉尚書潛惠武陽彭仙故宅宗華福地今彭真觀是也與其學仙之徒掃石焚香談玄閱秘圍棋握槩諷詠逾時已而乘白騾與僕從俱入彭仙舊鍊丹井中而去舟人子復躡其後而先生未之知其中道塗坦然行未久忽聞櫓聲舟人子曰此我舟中櫓聲也先生始覺問之乃實告其故復問曰汝願偕往否曰不願於是令其瞑目以手摩其頂舟人子即在舟中矣自是不復入城如此者九十三年後隱去不知所終今西山有洪崖井與烏晶源為鄰深不可測無冬夏飛流奔瀉若雷殷地中人雖對語亦莫能聽三伏炎蒸寒氣襲人毛髮森豎古傳與彭仙丹井通焉井畔多楓樹先生丹成跨雪精從楓樹升雲鄉至今樹上有雪精遺跡井之西有紫清宮舊為應聖宮即先生栖真所也

有三詩刻于石其一曰去歲無田種今春乏

酒材從他花鳥笑佯醉卧樓臺其二曰下調無人采高心又被嗔不知時俗意教我若為人其三曰入市非求利過朝不為名有時陪俗物相伴且營營營注老子周易三禮殺梁傳行于世凡參學淨明者尊為經師君

淨明法師洞真先生傳

先生姓胡名慧超一名化俗字拔俗不知何許人亦莫詳其年人問之則曰今年五十二歲後數十載問之亦復云然容貌雄偉氣宇魁岸獨處則無異於常人在眾中則獨出人頭故時人稱之曰胡長仙逢人不執手板擎拳而已嘗遇日月二君授以淨明靈寶忠孝之道神妙無方人莫能測唐初隱于洪州西山之洪井時往來洪城一日散步市中見一民家悲感先生問之答曰城側有廟神歲擇女子以配吾女明日當行是以悲也先生曰吾當為汝除之於是嘯命風雷焚擊神廟併廟側一巨樟根下白骨無數拔其根擲于江中逆流而上至清江境今樟樹鎮即其地也州人感激於廟所立觀今豫章玄妙觀是

也唐貞觀中太宗皇帝聞風召之不赴高宗即位復召先生乃赴館于禁中時宮中有妖夜出傷人上曰禁中有妖師能除之否先生曰諾乃徧行宮中至西掖垣下指曰妖在此命武士掘之入地數尺得老狐十數隻併白骨甚多殺之妖乃絕上大悅賞賜皆不受力求還山上許之詔百官祖餞御製詩為別乃還居西山游幃觀時觀荒廢先生因問主觀胡不修葺答以乏財力先生徑往不逾月以木椽至高安樟木江口距九十里命役人緊繫縛各就宿江岸臨暮飛墨符一道中夜烈風雷雨比明筏已在壇下矣浚抹嶺谷所當之路林木披靡又於山下發一窖出錢三千千為工役之所需應殿宇非人所為者皆夜役鬼神為之門外鑿七井以禁火災則天復召見於武成殿問神仙事先生上陳道德帝王治化之源即辭乞還山勅遣使齎金壁送歸行次單父賜書曰先生道德高尚早出塵俗如軒曆之廣成漢朝之河上遂能不遠千里來赴三川日御先開沙竟蒙之漸遠天津

後渡瞻鶴蓋以方遙空睇風雲惆悵無已還於洪崖先生古壇鍊丹首尾三年詔趣詣闕館于禁中一朝遁去上歎恨久之遣使齎贈其厚還居西山時母靖曰吾昔到此客于時母今已數百年長安三年命弟子於游幃觀之西北伏龍造磚墳藏太玄真符二七星劍靈寶策杖各一三日而訖先生正衣冠坐繩床空中雲鶴旋繞牆外人馬之聲不絕而先生已化矣州具以聞朝命賜謚曰洞真先生凡參學淨明弟子皆尊之曰法師君

淨明監度師郭先生傳

先生姓郭名璞字景純河東人也好經術博學有奇才而訥於言論善詞賦為東晉之冠好古文奇字妙於陰陽術數有郭公者客河東精於卜筮先生往師之公以青囊書九卷授之由是洞達五行天文地理卜筮之術為人樓突轉禍妙用無方惠懷之際先生知中原將亂乃避地東南抵將軍趙固會固所乘良馬死固惜之不接賓客先生曰吾能活馬吏入白固出求教先生曰令健夫二三十輩

皆持長竿東行三十里有丘林社廟便以竿拍之當得一物急持以歸得此活馬矣固如其言果得一物如猴持以歸此物見死馬即噓吸其鼻頃之馬起如常物忽不見元帝渡江後王導辟為參軍先生事母至孝母死自卜葬地於暨陽去水纔百步人以近水為言先生曰即為陸矣未幾沙漲去墓數十里皆為余田明帝大明二年甲申王敦舉兵反次于湖先生往見之敦曰吾夢以一木破天此何祥也先生曰一木破天乃未字也明公舉事必敗無成因極言忠孝之大義敦怒曰吾壽幾何先生曰若恪守臣節壽未可量若改之不速禍將不久敦曰君壽幾何先生曰吾命盡今日日中敦愈怒命斬之即有見先生於丹陽市者世以為兵解云所著詩賦諫頌數萬言洞林經六十卷新林十卷卜韻一篇註爾雅三卷方言釋天子傳山海經皆傳于世凡參學淨明弟子皆尊之曰監度師君

西山隱士玉真劉先生傳

先生姓劉諱玉宇順真玉真子其號也其先

番禺石門人高祖宗翰遷南康建昌名所居里曰石門示不忘本也宋紹興中擢第授滁州宋安簿世傳詩禮父剛母鄔氏以實祐丁巳八月二十日生先生是早紅霞覆屋鄰曲駭異其父再遷隆興新建忠孝鄉先生夙有

卓識五歲就學讀書務通大義弱冠父母繼亡居喪盡禮家貧力耕而食視塵世事不足為焉志於神仙之學初都仙太史許真君以晉寧康甲戌歲於豫章西山昇仙嘗留識記云吾仙去後一千二百四十年間五陵之內

嘗出弟子今作地八百人師出豫章河西岸大揚吾教郡江心忽生沙洲掩過沙井口者是其時也至建炎戊申僅七百年兵禍燔結民物塗炭何真公等致禱真君向垂救度既而降神渝川諭以辛亥八月望當降玉隆宮

至期迎俟日中雲霧鬱勃自天而下由殿西徑升玉冊殿降授飛仙度人經淨明忠孝大法真公得之建翼真壇傳度弟子五百餘人消穰厄會民賴以安迨今二百餘年其法寔微至元壬午朝命改隆興路為龍興其年五

月章江門外生一洲是秋先生經行西山瀉油岡遇洞真天師胡君告以姓字先生拜問曰天師胡為在此曰龍沙已生淨明大教將興當出八百弟子汝為之師歲在丙申臘月庚申真君下降子家子際遇如何真公時今在

子夜故來告子言訖不見先生心竊自喜明年春復於玉隆禁山過之即下拜胡君曰吾今再來實傳真君之旨可尋西山中黃堂山烏晶原建玉真壇以栖隱當知真君即太陽帝君化生仙傳謂生身有金鳳銜珠夢兆者

非也乃日中金烏流精在天為氣在地成形鴻濛開闢降於洪井却至海藏至真君降世乃由扶桑之墟下貫崑崙之頂乃從風輪水淵由地中行騰出洪崖之井以應西山之氣故其地名曰烏晶原蓋日月二君屬記真君

以為後代傳道之信其所在之處萬靈護持出沒變化非容人力真君降於吳赤鳥己未歲正月二十八日戊午己未為火在天上初元戊午表太陽也二年己未表餘氣化生也正月表人道始於寅也二十八日表近晦而

續明也天啓仙運年符赤鳥其後海昏誅蛇有赤鳥飛過亦應此耳今仙運將周烏晶出現其在青羊之歲上元之辰紫清宮中子得以鎮靖廬大教興矣因與言淨明之旨踰時而別及出山已越兩日先生自是益加精進

又於孝行里立騰勝道院以善道勸化遠近聞知仰嚮從游者衆甲午十一月甲子遇水府仙伯郭君教以經山緯水之術遂遊黃堂山烏晶原尋訪果得魏道人故居乃昔日真君修真之所而又洪崖先生張君舊隱地隸

紫清以田易之而下築且定居焉靈官鄧君貽詩有曰洪崖尋舊跡合識於松沙者謂此也元貞己未正月甲寅先生神遊玉真府遇真君與張君胡君玉真朝元回先生作禮真君顧令先生求見陽烏張君袖出三足鳥示之上元庚申先生往紫清與弟子玉真定方公成登拍洪樓焚香默禱聞碗氣郁烈倚闌候望倏有流光飛墜鍾閣俯視則烏晶在焉大如椰子非鐵非石而黑潤沈重受而藏之是夕胡君授以大道說明年歲晚復至紫清

告諸弟子以師君將降約同候迎十二月庚申王真定方公成胡次由輩同集先生之舍先生曰有一士緣重當不召而至是夕雪大作初更時玉隆宮法子黃元吉忽至先生曰天寒歲晚遠來何為元吉曰夜來夢胡天師

告曰劉玉真家有盛事汝可速往故來先生於是與諸弟子明燎焚香至誠以俟夜將半先生疑望虛空倏忽間師君至率弟子下階迎拜黃氣瀰漫非煙非霧擁升堂上降授玉真靈寶壇記紙尾署云弟子劉玉真丁酉

正月甲子朔旦登山巔授至道頌之光景豁散既而郭君授以壇疏除夕寒雪陰霾先生清齋以待夜過半山堂門開介冑神人至前曰真君召子乃篝燈躋攀而上仰視天星朗然少焉仙駕降先生瞻禮以栢葉藉棗榻以

進真君告曰茲山前俯鸞岡後據鶴嶺吾昔修真時於此朝禮太上太上命日月二君降此授吾至道是名靈寶朝天壇吾今亦於此授此中黃大道八極真詮子當敬受吾八百弟子汝為首英名氏悉在華林八百洞天久

矣刻書青琅高揭丹崖更當勉勵弟子不昧心君不我性命忠孝存心方便濟物異日功成果滿胥會洞中顧不樂歎此外精心奉教隨所修積各享其報終不沈墮若有不自提策勤始怠終則有風刀之考子今慨演教法

積累功勳再世三生鍊消陰滓登晨白日如吾無異勉之勉之言畢高舉先生拜送瞻望極日而還十月甲午寓玉隆清逸堂丙申胡君復來授以道法說及三五飛步正一斬邪之旨由是開闢大教誘誨後學其法以忠孝

為本敬天崇道濟生度死為事簡而不繁諸弟子問曰昔何真公所傳稍繁今先生所授極簡何其不同先生曰昔紹興之時仙期懸隔權以救世以法弘教故繁今龍沙已生仙期迫近急於度人以道宏教故約此所以異

然其至則一無庸疑因謂曰吾與若輩幸以宿因遭逢大教喜慶難言今靖廬粗備相與首致華封之祝以寓吾忠忱伸追遠之誠以昭吾孝修身慎行植德行道可無愧矣今為若輩懇師君請降日精月華鍊度先亡以除

冥累十月聖乃登朝天壇露香敷奏席地存神置二陶器於壇上俄東西布飛光二道如金線自天際注器中左液如丹右津如汞用以書符訖事無餘越七日弟子咸夢先亡言感真君拯拔陶鑄返陰生陽已升仙階矣明

年十月庚申郭君復至授以法說而鄧君數來談易故先生於易尤邃方公成嘗言文象夜分風動燭滅先生一噓而燭復然公成驚問先生徐曰子言紙上之易而未知身中之易如知之則已滅者可復明又何所怪公成

下拜願卒為弟子居常與群仙接對而張胡郭鄧為密張君嘗招之過洪井擲扇水中命之浮渡又與如意丹方令采洪井石蒲為藥以施病者郭君嘗引遊水府見門下鎖一巨青猴指曰此神馬所禁巫支邪也先生雖道

行日隆而益自韜晦問為人祈禱穰解無不出奇隱真洞真靖廬次第興建諸品祕要相繼授受至大戊申正月丁卯投烏晶於洪井曰緣重者得之即以傳教之任付黃元吉謂曰吾此生為大教初機而來異時再出當與

卷五

十六

八百弟子俱會今陽數將終身謝之後以吾遺體靜夜火之復骨於招賢之原三年將遷瘞海島二月癸巳如紫清宮翠岩寺告別甲午示疾弟子畢集丙申晨興端坐榻上日正中舉手拱揖就榻側卧而逝春秋五十有二弟子遵遺旨而送終後三年啓窆視之唯存空函先生之學本於正心誠意而見於真踐實履不矯亢以為高不詭隨以為順不妄語不多言言必關於天理世教於三教之旨了然解悟而以老氏為宗有玉真語錄淨明秘旨凡一百三十七品云

中黃先生碑銘

黃君元吉字希文豫章豐城名族父良俊母吳氏年十二入玉隆萬壽宮事清逸堂朱尊師未歿其師王月航尊師愛而教之王尊師嚴潔清儉有古人之意善醫藥施謝之積粗贍即閉戶絕來求醫者希文請授其術以為業王尊師不可曰吾非有斬於子也顧醫道甚精微識慮稍不至則人由我而死非易事也將以此為利益不宜吾幸得舍此不為冀

二十七

寡過耳誠慮返累子不如歸求清靜以自致也王尊師沒久之西山中有劉至真先生者本質行老儒隱居深僻有神明之遇曰晉旌陽許君千年龍沙之記今及其時而劉則八百仙人之首云獨重希文以為可托及去世以其傳囑焉蓋其說以本心淨明為要而制行必以忠孝為貴而已希文事劉先生如父事其夫人如母苟遠去飲食必祝之而後嘗奉其言如臨天地鬼神乃即其山擇地立玉真隱真洞真之壇以授弟子至治三年又以其說游京師公卿大夫士多禮問之莫不歎異明年太定改元嗣漢三十九代張天師朝京廷臣薦希文者曰中黃先生剛介堅毅長於幹裁嘗嘗都監其宮治衆嚴甚人或不樂而土田之入廬舍之完公而成功昔為忤者更交譽之親之其後從玉真先生得推陽忠孝之教蓋折節就沖澹為達人鉅公前帝宜表異之乃為書請希文為淨明崇德弘道法師教門高士玉隆萬壽宮焚修提點米行玄教大宗師留之索真萬壽宮期年將以其名

上聞奏且上有寶書之賜而希文儵然高居唯以發明其師說為己事有所謂清虛日來滓穢盡淨者蓋庶幾焉十二月十一日為書寄別其弟子陳天和等而命從者曰今夜子時當報我及期從者以告希文曰吾返玉真之墟矣明日用火淨吾骨於城東門外薪盡火絕有風南來者吾報汝也而已而果然從者負其遺劍將歸藏西山希文在世五十五年為道士四十年度弟子陳天和劉真傳熊玄暉劉思復黃通理授淨明忠孝之教者人眾不可備列中山趙先生有道之士也嘗與希文俱來為之銘曰子為銘其藏子重趙君之請故為之銘曰西山之墟古仙宅奇蹤一隱兩五百陽精發輝表靈赫我與受書繼玄德長生不死為世則忽焉去之不可測鑄金為音玉為畫表歸真土填無極

丹陽道人事實

丹陽子姓徐氏名異一名慧字子奇至元辛卯八月二十七日寅時生娶劉氏生子師晉其先為豐城望族仕廬陵因家焉其大父憑

谷先生典刑博雅前宋試場屋有聲二子俱
 早世子奇幼孤即穎異恥與俗子交閉戶讀
 書危坐竟日養吾劉先生為須溪家嫡時稱
 為文章司命人物權衡得其許可者如登龍
 門始八月旦子奇嘗侍大父往謁之一見問
 所學即令以詩題于奇援筆立就先生大加
 賞歎因取少陵徐卿二子生絕奇之語改字
 子奇且為序其所作詩集稱其五言高處春
 容峻泊願近古意至於近體亦變化流麗蓋
 其天分之高而學所致也其推許之意際可
 見矣戊午春慨然為金臺遊首以文墨見知
 于御史李一飛典瑞院使馬九臯右丞齊峯
 平章大憲都由是鈞樞臺閣名公鉅卿多所
 接禮癸亥春英廟詔書金經試字中書者數
 百人子奇首中前列未幾經事竟寂子奇聞
 中黃先生得都仙淨明之道駐于崇真宮遂
 往師焉中黃一見曰夜夢子今子來似有夙
 契當宏吾教自是盡符中黃八極之妙又參
 藍真人于長春宮得全真無為之旨賜號淨
 明配道格神昭效法師由是人爵無復介其

心習雖中朝貴人交割互辟恬不能動其心
 矣甲子春以母老竟歸園為色養計其所以
 婉容娛侍曲意順承無所不用其極如是者
 二十餘年迨終喪盡禮初歸之日家適病
 疫或曰未可歸子奇曰安有及門而不升堂
 拜母者乎竟歸其所謂神明憑依者皆辟易
 解散若未病然自非道高德重安能殄息若
 此其速也是歲大旱鄉人請禱于里之吉安
 橋旋慰竟望自是弟子益眾及其門者皆文
 學特達之士雖六七十翁皆願從焉曰吾師
 道也子奇個儻尚氣節慷慨尚然諾導悟學
 者剖決玄微海竭河傾源窮派析翠然有當
 於人心數十年間千百里內水旱豐凶請禱
 即往神動天隨雷電隨應其所以化赤地為
 豐年掃積陰為霽景者不知其幾焉至如來
 病士庶是以為瘡痍人之啼泣木客之憑凌
 雲篆一飛陰怪旋屏若此者尤眾也是其操
 存持守之不息故光輝昭著之自然有諸中
 形諸外也士君子常稱奇峯先生又稱丹扁
 道人蓋其為室也清虛明淨扁以丹扁留園

張公書而記之詩集曰孟水玉霄滕公序之
 所得淨明忠孝諸書先以刊行至於手誤科
 文正大雅潔凡若干卷傳于世庚寅春寄內
 師府羅文奎詩云憶昔長廊聽雨時黃金染
 筆寫烏絲百年似夢我先覺萬事如雲子尚
 凝天上故人天上老里中野客里中嬉臨風
 聊致拳拳意老病無才懶賦詩又寄臺使盛
 熙明詩云向來風雨意悅仰十年餘雖有干
 山隔寧無數字書栖遲吾分耳富貴易交手
 珍重平生學風雲展壯圖又寄別弟子鍾秀
 文詩云花甲今年恰一周安心安分更何求
 夢回池草春生筆吟到江梅月滿樓生教又
 從今日始老懷不及少年遊還丹鍊就身如
 葉洞府名山任去留又自贊其像曰生前我
 即汝死後汝即我於是二中間誰曾識真我
 嘆月輪元不在波心四海五湖無不可至五
 月望日命弟子蕭尚賢代謝師仙將吏為酒
 食以召鄉黨朋友話別對坐客云天香繞屋
 家肥潤玉宇開基任顯超明旦日中索紙筆
 留頌云這箇臭皮袋撇了無量礙烈焰紅爐

中明月清風外擲筆端坐鼻流玉筋尺餘移時視之則已去矣留形住世六十年度弟子數百人

淨明忠孝全書卷之一

淨明忠孝全書卷之二

淨明傳教法師黃元吉編集
嗣派弟子徐慧校正

玉真靈寶壇記

許遜撰

鍾陵之靈鍾大寶於西山厥維西山萃古今精氣實上下神仙一大區宅有道之士率由是出自吾得

太上淨明吾與張洪崖胡枝俗等其人也龍沙有識松沙有記一皆為是西山中靈寶秘前鸞翔後鶴峙真鳥品紹仙裔斯靈伊何太素始名太極判精靈寶現形故此一寶靈也。在天為黃中在地為鳥品在人為丹為惟寶斯靈弗寶弗靈有道之士克寶斯靈者自有重重樓閣內景黃庭三五飛步神奏玉京符千年之嘉運備八百之仙數騎鶴玉府烹鳳瑤池其視塵世寶珠直天地間一瓦礫耳吾有弟子玉真子受吾記囑來尋舊迹克寶斯靈克靈服晶八百群真一日玉真二曰隱真三曰洞真靈真寶真一真萬真真真聚神金鳥挺靈靈寶聚精玉兔誕形天降斯道地升

斯寶珍之作之天地為一率是群真克紹吾勳有道之士無累俗紛式克輔之斬蛇馘鯨窮日宇宙功超

玉清顧不偉歟乃繫之以銘曰

金鳥流晶 洪井宵形 鍾陵聚靈 龍沙首英

八百八百 靈寶斯獲 玉真隱德 爰立厥宅

淨明大道說 胡化俗述

淨明者無形大道先天之宗本也在上為無上清虛在天為中黃八極在人為丹元絳宮此三者同出而異名同謂之玄玄之又玄衆妙之門明此理者淨明也清則淨虛而明無上清虛之境謂之淨明中黃八極天心也丹元絳宮人心也故天立中黃八極而報無上之本人當忠孝而答君親之恩忠孝大道之本也是以君子務本本立而道生孝弟也者其為仁之本與有不務本而備鍊者若太匠無材縱巧何成惟有大舜比干不備鍊力忠孝不求道道自備下則豺狼有父子燻爇有君臣物且尚能忠孝况於人乎况於法乎乎淨明大道同理同源不同形同理者誰能出